


EFIKU LAMEME

 . . . etwaliongalo, olo eilikano lange. Onda hafa lela ongula ei, oku mona okuxumako kwopamhepo kwetwaliongalo eli, nonhumbi kutya, edidiliko opo, ve li poku tunga ongeleka ipe. Ohandi lipula osha pumbiwa. Ndele tala konima . . . nge Omwene Jesus okwa kala ko, konima twa ya, ove na . . . ovana vetu ove noku kala ve nonhele yoku ya kongeleka. Ndele otwa hala oku “kondja noudiinini wEitavelo olo la pewa ovayapuki polumwe.” Lipula oshinima shiwa.

² Ndele eshi handi uya mo, okalweede kapita, oku weda ko komahokololoumbangi oo a yandjwa nale shi na sha nomaveluko, yoiiongalele ishona yaxuuninwa, petwaliongalo apa. Otava ndubala alushe, omaveluko, omaveluko oikumwifilonga inene.

³ Onda fiya ko omwalikadi wange, paife, nounona po—pomuvelo; ndele opa li mumwameme, e li po omutumba paife, a shambukwa unene fiyo ta lili, koshikumifilonga shinene sha ningilwa okatekulu kaye, kwinya, ndi wete, moChattanooga. Omufimanekwa Nash, apa, okatekulu koye okwa li ka hepekwa nehepeko, noshiongalele shaxuuninwa apa, Omwene Jesus, handi lipula, nde shi tumbula, nokutya, “OMWENE OSHO TA TI, kutya, osha ya. Ndele ota ka kala nawa.” Ndele okamutu oke li nawa ka veluka, ke li ashike nawa.

Ndele otashi—otashi shambula, omu udite omahokololoumbangi aa.

⁴ Ndele hano omunyasha mukwetu, ou e li yo apa, okwa indila eilikaneno lOmufimanekwa Stotts, ou e li metando. Ndele ohokwe yavo; uwete, nge ope na vamwe va hala tu va ilikanene, oshike yavo . . . otashi ulike, shama ashike to kendabala, ovanhu ova hala u va ilikanene, hano vo, ohokwe, ou wete. Omafimbo amwe ohashi naipala unene, fiyo . . . ha naipalo, ashike unene, kutya oto lotoka noku nyongameka omutwe woye, noku hondama kashona, u kale nomwenyo. Ashike, onda—onda hafa ohave shi ningi. Ino lipula kutya nghi hole oku va mona, shaashi nge ova . . . nge kapa li vamwe va hala ndi va ilikanene, oshilonga shange otashi kala peni? Uwete? Uwete?

⁵ Ashike omafimbo amwe ngeenge to ti, “Mumwatate Branham, nghi udite ko ngeenge ovanhu tava ifana ngaho, ndele—ndele to fenunguta po.” Ondi noku shi ninga opo ndi kale nomwenyo, oku ilikanena ovanhu. Ito . . . Kashi fi—kashi fi onhele imwe, apa. Ounyuni aushe. Ou wete? Ndele—ndele oshidjuu lela. Ndele ondi wete kutya omu shi udite ko.

⁶ Akutu, oshiwa unene oku kala Omukriste! Nghi shii eshi handi ningi ngeno kasha li Kristus, nonghee . . . noku kala

nekwatafano nOvakriste, kutya, ovanhu vEitavelo liwa, ava va itavela muKalunga nove Mu lineekela; noku itavela kutya efiku loshinge ohatu findi olwoodi alishe eli, noku kala nefindano, noku fikama twa kulilwa moshifeka Shaye, kombinga ikwao.

⁷ Ndele hano onda hala oku ninga ashike eshivifo lixupi, kutya, meuyo letwaliongalo, nosho tuu, Ondi...ohatu ningi etotelo lipe lepungulilo letu, unene tuu oshitopolwa shange shoikonga. Omukokomoko aushe moiongalele, okudja nda tameka mwaashi, kombinga yopavaengeli, omido dihapu dapita, ponhele yoku tota epungulilo, oku kala nongudu ikwao yovanhu, onda longifa ashike ongudu oyo nda ikilila; noku dja...noku ninga epungulilo, kutya oiongalele yange aishe otai twalwa koshi yedina lEtwaliongalo Branham. Ndele otashi longifwa koUnion National Bank moNew Albany, oku oimaliwa tai dulu oku futilwa—oku futilwa mo, opo iha nanwe oifendela. Nge inandi shi ninga, oimaliwa aishe ya ongelwa ohadi i nanwa, nge itandi longifa Etwaliongalo Branham onga epungulilo.

⁸ Vahapu vomunye omwa uda handi shi shivifa, efimbo nefimbo. Ondi noku shi ninga, noku...opo shi ningwe. Ndele hano—hano ohatu tula po epungulilo lipe paife. Ndele otwa hala vahapu ve shi shiive kutya onda...Vangapi va uda nge handi shi shiiva, kutya oiyemo aishe, ei hadi longo mEtwaliongalo Branham? Yelufa ashike omake oye, amushe...Oshili, amushe. Opuwo.

⁹ Nonghee ngeenge elongelokalunga la pu, nge owa hala, ondi na po eshangelo linini, opo ove, nge owe shi shange mokupita mo. Mumwatate Roy Roberson ota kala e i na konima kwinya.

¹⁰ Molwaashi, ohatu ka dika epungulilo limwe, oshinima shelifa, ashike...ashike epungulilo limwe, kutya oimaliwa yetu aishe naikwao, oyo ya ongelwa moshiongalele, iha nanwe oifendela, otashi kala...sha tulwa, alushe, moUnion National Bank, ilongifwe metwaliongalo, ponhele yoku kala o—omapungu...kepungulilo limwe. Molwaashi, eli oli li nale epungulilo, medina lEtwaliongalo Branham, ou wete. Nonghee ope na Branham *apa* naBranham *penya*, hano ngaho, nomapungulilo a yooloka kashi fi naana shiwa.

¹¹ Mumwatate Roberson ote shi file oshisho, naau u nehalo, eshi hatu piti mo. Ohatu shi pandula.

¹² Paife, ongula ei, manga inatu ya melongelokalunga, onda hala okutya, Omwene nge e shi hala, kutya ohandi kendabala oku aluka vali konguloshi. Ondi yeke oku kufa oiongalele aishe kuMumwatate Neville, ashike okwa indila nge unene ndi popye vali konguloshi. Ndele nge Omwene e shi hala, onda hala oku popya konguloshi moshilongwa shopavaengeli sha, sha lukwa ngaha: *Olyelye Ou?* Uwete? *Olyelye Ou?*

¹³ Nonghee ongula ei, onda hala oku...okwa li handi lipula o—okupopya ongula ei moshilongwa shEfikulu laMeme.

Ndele ondi shi shii kutya omutenya ou nongula oya yadifwa nomalandulafano Efiku laMeme. Onghee onde lipula oku tula imwe kumwe, molwaashi otwa hala oku ilikanena ovanaudu diva konima yelongelokalunga eli nge la pwa, nongaashi shito.

¹⁴ Otwa itavela kutya Kalunga oye Omuveluli, ndele Ye oha velula ovanaudu novahepekwa. Ndele ondi shi shii Ye ohe shi ningi. Ndele oshi li pombada yo—yomalimbililo, kutya, molwaashi ope na omahokololoumbangi mahapu a ndubala, oo tu shii.

¹⁵ Onghela onda li handi tale moshako oyo Mumwatate Gene naLeo va tuvikila, yomahokololoumbangi oo va ngela. Noya li oshako inene yelikalekelwa, omaveluko a kumwifwi oo Omwene a ningila ovanhu.

¹⁶ Ndele onde lipula, nge osho tashi kala, ongahelipi nge otwa kala noku shi valula ashishe osho sha ningwa po? Ondi wete, moPuerto Rico nomoJamaica, amuke, ngeno okwa ya pomayovi omulongo, ile edulife po, omahokololoumbangi elikalekelwa, omaveluko Omwene, oo Ye a ninga.

Paife manga inatu pandjula Embo, natu popyeni nOmushangi.

¹⁷ Omwene, otwe Ku pandula unene, kutya ngaha, eshi twa nyongameka omitwe detu, otwa nyengwa koitya yokupopya; osheshi inandi itavela shi li komilungu domunhu oku ulika eliudo lomutima womulumenhu ile omukainhu, omumati ile omukadona, oo a kala mekwatafano naOve. Oku ndjokonona efimaneko letu, lanhumbi twe Ku fimaneka, naashi To ti kufye. Oshe tu topola ko koulunde, noshe tu topola ko kounyuni. Ndele oshe tu pa sha osho shOukwaalushe nosha yambekwa. Ndele inatu mona oitya ya wana.

¹⁸ Ngaashi sha tongwa nale komulumenhu a fimana, oivike ishona ya pita, kutya oha dulu okupopya nawa hanga omalaka omuwoi a yooloka, e na ondodo yaye yokuyandja omayeke kOmupresidente wetu omuholike, Dwight Eisenhower. Nonande ta dulu oku popya omalaka omuwoi, nawa, okwa ti, eshi a tambula Omhepo Iyapuki, okwa kendabala aeshe omuwoi, ndele kapa li oitya oyo ta dulu oku mona, kape na eshi ta dulu oku ndjadjukununa, nonghee Owe mu pa elaka lipe okundjadjukununa noku Ku pandula. Ndele osho tu udite, yo, Omwene, kutya, ngeenge onghalamwenyo ya xulu, kutya pamwe ohatu ka popya atushe melaka la yooloka, hano ohatu ndjadjukununa eshi hatu Ku diladilile.

¹⁹ Paife ohatu indile, Omwene, opo U yambeke etwaliongalo eli, omufitaongalo walo, ovadiinini voiniwe valo, ovadiakoni valo, ovaendafani vavo aveshe, ovanhu ava va talela po apa, ve uya mo noku dja mo moivelo. Nalimonike alushe layandjelwa, onhele yehondamo, opo ovaloloki tave uya mo, moivelo yalo noku mona etulumuko nombili keemwenyo davo, opo ovanaudu va

dule oku uya momuvelo, noku ya vaveluka, molwa Oukalipo waalushelushe waKalunga Omunaenghono adishe Ou e li meni lalo.

²⁰ Ohatu indile, Omwene, opo melandulafano eli ta li uya lo...olo la tungwa paife, opo U shakene newilikongudu noku shakena naaveshe. Nonge otashi Ku wapalele opo pa kale edimbuluko laalushe leilikano olo la ilikanwa mondobe ei ikulu, ndele oingade, efiku limwe; opo paife pa ninga eumbo louyelele, ponhele yetulumuko kwaava va loloka, menyamukulo leilikano eli.

²¹ Paife tu dimina po kesheshimwe osho twa ninga, ile twa tonga, ile twa diladila, osho shi li omhinge nehalo Loye linene; ndele dimbuluka, Omwene, ina shi dja komitima detu. Opo tu dule ashike oku shi ulika moilonga yetu ile komilungu detu. Ashike, divadiva, Owe tu uda. Eshi twa mona kutya otwa puka, otwa hala oku shi hepaulula. Ndele inatu hala oku diinina momitima detu, owii, hano otu shi shii kutya Kalunga ita nyamukula omailikano etu; ashike alushe ohatu hepaulula omapuko etu.

²² Ndele ohatu indile, Omwene, opo U yambeke, ongula ei, moshiwana ashishe, ngaashi tashi tyapula efiku eli ledimbulukifo lEfiku laMeme. Ashike eshi inashi kala ashike e—efiku lameme; osho nashi kale keshe fiku.

²³ Kalunga, wanifa ongula ei, opo oomeme, ovakainhu, ovo tava elaela kokule naKalunga, opo ve lidimbuluke, ongula ei, notava dimbulula kutya oshitya eshi *meme* otashi ti, “ou a dala.” Na dimbulukwe tuu kutya oludalo, okudja kehangano laye nomulumenhu waye, ola kala omamanya ondilo a yapuki oo Kalunga a tula koshi yefiloshisho laye. Hano, Kalunga ote mu pakwile oshinakuwanifwa shokutekula onunona ovo. Ndele ngaashi Omushangwa tau ti, kutya, “Omukainhu muwa, nameme, eshi e li, kutya ovana vaye otave mu ifana omunelao.”

²⁴ Akutu Omwene, ngeenge tu wete efimbo eli, eshi va ya kokule nOmishangwa, nokulihumbata va fa oifitukuti! Ohatu ilikana, Kalunga, opo U tu pe epapuduko longhulu yonale opo li va ifanene konhele oyo ve noku kala.

²⁵ Omwene, itatu dulu, kutya nee oshike, oku dimbwa oku Ku pandula molwa oomeme vashili, osheshi otu shi shii kutya otu na okukalamwenyo oku nena; voshili, oomeme volela. Kalunga, va yambeka. Vo omamona manene kufye, nohatu ilikana opo U twikile oku kala pamwe navo, Omwene, ndele nava kale va hafa noku mona oiimati yoidalelo yavo tai longele Kalunga.

²⁶ Ndele ohatu ilikana, Kalunga, opo ovo va djala onhemo itoka ongula ei, ile ongala itoka, okutya oomeme vavo ova dja mo monhele yoilonga nena; na, Omwene Kalunga, nava tulumukwe nombili noilonga yavo oye va shikula. Shi wanifa, Omwene.

27 Paife kufa Ondjovo Yoye, Omwene, noku popya novanhu, noku va hekeleka, osheshi osho twa ongalela apa; oku uda Oukalipo Woye, oku uda Ondjovo Yoye, noku yambekwa; noku dja apa tu li ovalumenhu novakainhu vawa, ovamati novakadona, shidulife eshi twe uya mo. Otwe shi indila mEdina laJesus, Omona waKalunga. Amen.

28 Ondi hole eleshelo lOndjovo Yaye ya yambekwa. Hano paife ohatu pandjula, ongula ei, mEmbo lOvakorinto Votete, noku lesa oshitopolwa shekapiteli eti15, okuhovela novelise yo1.

Ndele nee, ovamwatate, ohandi mu shiivifile evaengeli olo nde li mu udifila, ndele nye mwe li tambula yo, nomwa kala yo mulo;

Omo nye mwa xupifwa yo, nge otamu kala medimbuluko olo nde mu udifila, ngenge inamu itavela oshima.

Osheshi onde mu shiivifila tete osho nde shi pewa yo, nhumbi Kristus a fya omolwoulunde wetu pamishangwa;

ndele okwa pakwa, nefiku etitatu okwa nyumunwa pamishangwa;

29 Oto dulu u tye, “Mumwatate Branham, shapo eleshelo inali ikirilwa ketumwalaka lEfiku laMeme.” Iya, osho oshili. Ashike, ou weteko, Kalunga ina ikirilwa, ndele Ye oha ningi oinima momukalo inau ikirilwa.

30 Ndele ohandi lipula, omadiladilo, ameme. Ndele ondi na umwe ongula ei, pafilonghenda laKalunga, natango e li oku kedu pamwe nafye. Ndele onda hafela meme. Ashike mokukala twa wana oku kala tu na, yo, elongelokalunga leveluko, ndele nghi shii nge ohandi aluka vali konguloshi, ashike onde lipula pamwe kutya ohatu dulu oku painda efano la yooloka.

31 Meme omunene unene. Ou wete ko, ou wotete e ku tambula, monghalamwenyo ei, omeme woye. Kape na ou ta dulu oku ku kuma, molwaashi owa fimbapala, note ku dala koshi yomutima waye. Ndele oye wotete oku ku shiiva, nowotete, monghalamwenyo ei, oku—oku ku ukata. Hano, eshi wa dalwa, oye weke eli le ku kwata tete noku ku pushula omahodi pomesho oye. Oye wotete oku ku mbabala noku ku hola, noku ku ngungumaneka, monghalamwenyo ei, omeme woye. Paife, ohandi lipula kutya kape na efimaneko lawana tu dule oku pa meme.

32 Meme oye wotete nokaana, ndele oye oshinakuwanifwa shinene shokaana aka eshi ta ka ka kala, otashi likolelele komukalo ou meme ta tameke okaana aka mondjila apa ta ka ende. Meme oku na oshinakuwanifwa, okudja kuKalunga, oku tula okaana aka mondjila yayuka. Ndele ohandi lipula kutya omolwashi oomeme ove na ekumo lelikalekelwa.

³³ Ondi shii omumati moshilando omu. Ota diladila ina opo e li paife. Oku li hanga pomido dange. Ashike itandi shi popi oku udifa nai ina; molwaashi kutya oku na omaudifonai mahapu, ngaashi oomeme aveshe ve na. Ndele omumati ohanu, ndele ohanu nai. Ndele ngeenge a kolwa unene, ote uya keumbo noku nukila mombete pamwe naina yaye noku mu dingatela omaoko aye. Ndele oku na ovatekulu. Ashike ope na sha kombinga yembambalo lameme, osha fa tashi kufa o—onhele ya yooloka ponhele ya kesheshimwe shilili tashi dulu okukuma; osho shi li, monghalamwenyo ei, okupopya paunhu.

³⁴ Ou weteko, omulumenhu ngaashi Moses, okwa... Nge ohandi pandula sha moukwatya waye, osha li molwaashi oku na ina a tumwa kuKalunga. Ou shii kutya oye a li ta ilikana, Johobed, ndele kwa lolokela okahanana aka. Ndele eshi a dalwa, okwa li oye ou e mu mweneka, noku mu ukata noku tunga okambaba noku mu tula meembungu, eshi omutima waye tau tekauka. Okahanana kaye akeke, nosha li oka—okadjona kanini kelikalekelwa lela mounyuni aushe. Nonhumbi meme e hole okahanana! Ashike oku mona okakwetu aka kelikalekelwa!

³⁵ Ndele hano, momutima waye, oku shi shii kutya okwa dalwa nelalakano, noku mu kufa noku mutula mekololo leengadu, mwinya momulonga. Meitavelo okwe shi ninga, e shii kutya Kalunga ota dulu oku mu fila oshisho; mokungonga ohole yameme, noilonga youkwatya weitavelo laye. Osheshi eitavelo ihali li tula lovene komadu a fifwa aashi liwete; eitavelo nali kale neodimano kemanya ihali linyengifwa lOndjovo yaAlushe yaKalunga. “Osheshi meitavelo,” Omushangwa tau ti, “okwa ninga ngaha.”

³⁶ Ndele eitavelo otali dulu oku kufa efikamo lalo kemanya, kutya omakufikufi otaa denge po omakanghameno, noku tala moshipala shefyo noku shiiva kutya otali kala lishona, ashike eitavelo otali dulu oku tauluka efuta kuYe ou a ti, “Aame enyumuko nOmwenyo,” nda dopa oku uda omakufikufi a tumba.

³⁷ Olo oludi leitavelo olo ina yaMoses e na. Okwe mu longa nokwe mu tekulila mombala yaFarao, te mu longo kutya okwa dalwa nelalakano, kutya Yehova okwa nyamukula eilikano laye. Ndele, ye... ngeni ina mona omulongi muwa. Osho sha tunga oukwatya ou Moses a li e na.

³⁸ Ondi wete osha li Abraham Lincoln ou a tumbula etumbulo latya ngaha... .

³⁹ Paife, ame nghi fi Omudemocrate ile Omurepublika, ondi li ashike... Ame Omukriste. Osheshi, ohandi lipula ombinga imwe itai dulu oku tongela sha ombinga ikwao; ashishe edundakano. Ashike, Abraham Lincoln, komadiladilo ange, okwa li umwe o... nokwa li umwe womovapresidente vanenenene ovo Omapangelo Ahangana aa a kala e na; mwa kwatela Washington, nosho tuu.

⁴⁰ Osheshi, Abraham Lincoln oku na o—okwa tameka nai. Okwa li ohepele. Ke na omudingonoko, kombinga yelongo, ile—ile shimwe shinene, ile oimaliwa, ile shimwe tashi dulu oku mu kwafa, ngaashi Washington a ninga. Washington okwa li a ya kokwiike yelongo, ndele oku—oku shi shii; okwa li omulumenhu a kotoka, omulumenhu munene, oku hovelifa. Ashike Lincoln okwa li a tekulwa mokalili kendangalati, koshi yomadu manene aKentucky, muhe na olukolongo mokalili, osho sha ningwa edimbulukifo apa moLouisville paife. Ashike, mokukala omulumenhu munene, ndele oku noku lilonga okushanga, pedu olo a pulula, a kune epungu.

⁴¹ Ashike ohandi dulu oku pitika po ngaha kovanyasha. Ou shii tuu kutya Abraham Lincoln ina kala nale nembo monghalamwenyo yaye, nafiyo konima yomido omilongombali naimwe, Ombibeli aike nembo loFoxe lovafili veitavelo? Uwete, eshi to lesha otashi mhe oukwatya ou u li. Kape nonghumwe tu na onduba yelyalyakano nena; oifo yomatotwa hokololo, nekako noipolopolo, ya tulwa meenghundana detu. Oku na Ombibeli nembo loFoxe lovafili veitavelo. Tala eshi she mu tunga!

⁴² Ashike komesho yaashishe osho, efiku limwe okwa popya ngaha. Okwa ti, “Nge omu na oshinima shiwa tashi hangika mwaame, omolwa meme omutilikalunga,” ou emutekula okulongela Omwene.

⁴³ Ou wete, okaana ka pwilikina kuina; ekumo lonhumba linini kombinga yaina oo, okaana oko taka pwilikine. Ngeenge ka uda nai, otaka i kuina kahekelekwe fimbo ina ka ya kuxe. Molwaashi, okwa li wotete nako, ou weteko. Ndele ope na oshalinghenda imwe oyo Kalunga a pa meme, oku kala ngaho; ndi tye meme washili. Paife, ondi wete kutya oomeme ovafimanekwa novatilikalunga.

⁴⁴ Ashike onda itavela, onga Omafiku a Meme, ngaashi ngaha, oipindi, oku ninga oimaliwa ihapu meengala naikwao. Ashike efiku lameme oli noku kala keshe efiku. Ha oku mu tumina onduba yeengala mEfiku laMeme, ashike oku mu hola noku mu fila oshisho omafiku omafele atatu nomilongohamano nanhano nomitenya nomaufiku, komudo. Ashike, osho naana, ounyuni woipindi owe lidopa moinima yatya ngaha, ndele ota—ota—ota li haula meme.

“Akutu, iya, Efiku laMeme laxuuninwa onde mu tumina onduba yeengala.”

⁴⁵ Ota pandula, dihapu unene, kala ashike omutumba noku popya naye kashona, mu shangela omukweyo, mu mbabala komapepe, mu xupita kolupanda, mu lombwele ou mu hole. Otashi longo shi dulife eengala adishe odo to dulu okulanda keefitola deengala. Osho oshili.

⁴⁶ Ondi wete osha li mOipango Omulongo, nakufya Cecil DeMille, ou a shanga noku tula koshivikililifo shoshinyandwa

shoung hulungu kokino younyuni. Ndele manga ina shi tulwa ko, ile shi pitifwe mo, Cecil DeMille okwa ifana Oral Roberts na Demos Shakarian, nonduba yovahongi vEvaengeli Liyadi, noku va twala mositudio yaye mwene noku ulika eetundi nhe dOipango Omulongo, noku va pula omadiladilo avo musho. Kalunga tulumukifa omwenyo waye muladi!

47 Naashi nde shi mona, okwa li handi shi tale, nokadidikwa alushe oka dama nge. Nge vahapu vomunye omwe shi mona, osheshi omonakadona waFarao. . .konima Moses a mona mo kutya okwa li o—Omuheberi, nokwa tokola oku kala novanhu vaye. Nameme waye muwa e li po omutumba, a kulupa, neexwiki dimbudu noshipala shaye shangonyata moshipundi shomaoko; meme wanafangwa. Ndele okamonakadona kaFarao take uya mo. Ndele okwa ti, “Ame omonamati walyelye, nande ongaho?”

48 Ndele eshi sha etwa pouyelele, Johobed oo okwa li meme waye washili. Omonakadona waFarao, nondomo yaye nosho tuu, naaishe ya wapekwa; okwa ti, “Ashike, tala! Ota dulu oku kala omonamati woye, ashike,” okwa ti, “Onde mu pa emona nefimano. Ino mu pa sha kakele koifilambo yomunhoko.”

49 Ashike ina womukulupe weenghwakutoka okwa ti, “Ashike onde mu pa omwenyo.” Otashi ningi eyooloko. “Onde mu pa omwenyo.” Kalunga okwe mu pa Omwenyo waAlushe. Omeme washili, ngahelipi!

50 Efimbo limwe ovanhu ohava lombwele nge, unene alushe moikonga yange, ame “alushe ohandi udifa enyumuko.” Ndele onda lesa omushangwa ongula ei, ekapiteli eti15 novelise oni4 yOvavorinto Votete, menyumuko.

51 Ashike, ou wete, omukalo hava tula meme nena, ombiya yeengala di li pomukainhu akulupa, ou a kulupa ita dulu oku yambuka, pamwe, a ngona, womutwe weemwakutoka, neengonyoto, noku kala omutumba moshipundi shomaoko. Osho oshili lela. Ashike onda hala oku kufa ongovela yange noku ku paindila efano limwe lameme eshi e li.

52 Umwe okwa ti, “Oho udifa unene enyumuko. Unene tuu Etumwalaka keshe oli na sha kombinga yenyumuko.”

53 Omolwashike, oshili. Oyo o—oyo onhele youkaldinale wEvaengeli. Kutya nee oshike Ye a ninga, nge Ye ina nyumuka koufi, hano ashisho osha li ongaho. Osho, kwaame, tashi koleke kutya Ye oKalunga. Tashi koleke epopyo keshe Ye a ninga; enyumuko! Ndele yo onhele yefudepo lomwenyo. Etamekelo. Oshishani shehekeleko letu.

54 Ndele eshi tu wete kutya Ye okwa nyumuka koufi, ole tu tula, noshilwifo shEvaengeli, komesho yolwoodi, oku kufa ombinga, mokulwa. Osheshi, otu shi shii kutya Ye okwa ti, “Ou ta kanifa omwenyo waye molwa Nge ote u limonene.”

55 Nohandi lipula osho oshishani shEvaengeli Liyadi, olo enyumuko, nomaudaneko Opaukalunga, nehekeleko eli tali yandjelwa ava ve li lineekela. Osheshi, ola udaneka ehanganano linene lokuhangana kwetu kumwe vali. Ola udaneka, no—noku kana po koulunde aushe. Ola udaneka ekanepo lomashitulo aeshe, omahepeko aeshe twa ninga mwaashi, oku noku pitila mo, momwenyo ou. Ola udaneka, nekana po kwaaishe. Ola udaneka kutya nokuli efyo otali kanifa eenghono dalo, nohatu ka holoka molupe laJesus. Onghee, pamadiladilo ange, enyumuko olo linenene komaudaneko aeshe moimima yOmushangwa. Opo le li pata.

56 Ndele Opaasa yaxuuninwa, eshi kwa li handi udifa oinima itano yo:

Okukala, Ye oku hole nge; okufya, Ye okwa xupifa nge;
Okupakwa, Ye okwa kufa po omatimba ange;
Ashike, okunyumuka, Ye okwa yukipalifa oshali fiyoalushe.

57 Olo Efiku lange, Efiku olo linene lomomafiku! Noku tala eshi tashi ti, kufye atushe, menyumuko, ngaashi hatu longo noku teelega Efiku olo la yambekwa!

58 Ole tu pa eudaneko kutya fikulimwe ei ikulu, tai nghundipaleke, oungundi, omitwe dimbudu, oomeme va tekaukila otava lundululwa. Ha meme aeke ou e li omutumba apa, kuyemwene, ashike eumbo laye alishe pamwe naye.

59 Ndele otali ka kala efiku latya ngahelipi! Otali ka kala efimbo ngahelipi, eshi hatu tale koipala yaava tu hole unene! Eyoologo ngahelipi ongula oyo, eshi hatu ka mona ovaholike vetu, noku—noku tala eshi tava ka kala! Omahepeko aeshe otaa kufwa po. Omahepeko aeshe madjuu otaa pu. Kape na vali umbada wefyo. Kape na vali omahodi momesho. Enyumuko ola udaneka ashishe eshi. Itapa kala vali omapako. Kape na vali okufenga okahanana kolupanda, osha fa oshipambu shemanya; opo ovafudiki va vaeka, noku undula mo noku tulwa opainda, nosho tuu, oku monika paushitwe. Ita shi pumbiwa vali, kwinya.

60 Hano ohadi lipula eshi hatu ke va mona kwiya, ovaholike vetu, oomeme vetu, ovakwapata vetu, ookaume vetu aveshi; noku va mona momalutu avo itaa xulu po, omalutu avo omeulu; tava tale oukwatya wavo, ve wete nhumbi ve lihumbata nouwa oo noku limwenenena, kape na vali elyalyakano ile omagwenyauko. Oku va mona va fikama molupe lOmwenene Jesus, otali kala efiku liwa.

61 Ndele keshe umwe womufye, momadiladilo etu, otwa teelega nodjuulufi otundi oyo yehekeleko, eshi hatu va shakeneke. Keshe umwe ote lipula omuholike wavo, pamwe ina yavo ou a ya. Ndele otali ka kala efiku latya ngahelipi, eshi to mu mono vali!

Ndele kutate, nomumwatate, noko...kovaholike aveshe, otali kala efiku latya ngahelipi!

⁶² Ohandi lipula, yo, paife ngaha. Ohandi lipula ovakwaneumbo lange, osho tali ti kuame mEfiku olo.

⁶³ Ohandi shi lipula, mongula oyo yenyumuko, pamwe wotete umwe ote uya a shakeneke nge otashi kala Sharon wange munini. Ahawe, ita ka kakama. Omunawii oo ita dulu oku ya mo monhele omo. Kape na omulendu tau dulu oku kuma Edu olo. Ita molola nge enda po nawa. Oo manini, oumesho va mbulau tava tutula ngaashi ta papatele omaoko aye noku ingida, "Tate!" Ohandi hafe oku mu mona, oku shiiva kutya ita fi vali; oku shiiva kutya osha pwa, osho handi udifile enyumuko unene.

⁶⁴ Hano ohandi mono meme waye, ina yaBilly, omumati wange. Ndele ondi na omadimbuluko mahapu oo e li po. Ohandi dimbuluka eshi kwa li handi mu twala; ile Omufimanekwa Combs, apa, a li te mu twala olweendo laxuuniwa, nonda li nde mu shikula, motuwa. Eshi twa ya nEpandavanda Litiheyali, kwiya; Billy, e na eemwedi omulongonahetatu.

⁶⁵ Nhumbi ve mu eta mepandavanda, noku mu efa e mu mone. Ndele okwa nangala ta lili, noku tala kokahanana kaye, ashike ita dulu oku mu ehenifa popepi naye.

⁶⁶ Ndele hano mondjila yokuya, ovafudiki ove uya noku ya ne—ne—nEpandavanda Litiheyali. Meme apa okwa li te mu file oshisho pefimbo opo. Ndele okwa li a fikama moluumbo, a djala oumbulukweva vaxupi, okaana kashona okakepi ka kwendulilwa ombinga. Ndele eshi ina oo, a nangala kolutala oko, konima yoambulasa oko, ta tale nge, eshi a mona okahanana kaye ka fikama moluumbo, e shii kutya ota kufa olweendo laye laxuuninwa, okwa yambuka ko kolutala ndele ta ingida, ndele ta yelufa eke laye lomakipa, a papatele okahanana kaye moluumbo. Ashike ina dula oku ka kwata.

⁶⁷ Akutu, otashi kala ehafo oku mu mona mefiku olo. Ahawe, ita kala e na omake omakipa, ile eemanda da ningina mo. Ashike ota kala ofika molutu lokeulu liwa lomumbada wokEulu. Omesho aye malaula, alaula a fa omavava omakola, otaa tutula nehafo. Ita ka kala a petama; kwinya, omunawii woTB ita i mo mEdu olo. Ashike, omuhaxulipo, ota fikama moshifeka Shaye.

⁶⁸ Ondi wete, hano, a shikula ko oku shakeneke nge ota kala Edward, ou hatu ifana "Humpy," mokuxupipika edina. Okwa li wotete welyenge la kula vomomuwoi, elyenge lepata laBranham. Okwa li ekwatafano lotete oku topola; ou wopopi naame. Ohandi mono Edward ta lotokele nge. Tuu, okwa fya omumati, omido omulongonomuwoi. Ndele eshi handi mu kwata meke laye, ondi shi shii kutya ohatu kala noinima ihapu oku popya, youmati, molwaashi otwa li oukaume. Otwa kanyatela kumwe. Oha efa ndi djale oshuta yaye, na—na—naikwao, ngaashi ovamwaxe vashili ve na okuninga. Otashi kala ehafo oku mu mona vali.

69 Ndele ohandi mu udu ta tongo shimwe shatya ngaha, “Owa mona ondjovo yange, Bill? Owa li to longo mohambo yeengobe, pefimbo lokuya kwange okudja kedu. Ashike moshipangelo, onda tuma ondjovo, ‘Lombwela Bill kesheshimwe oshi li nawa.’”

Ohandi hafe oku tya, “Eheno, onda mona ondjovo yoye, melundu.”

70 Hano, ondi wete, a shikula ko te uya otate wange. Okwa li ekwatafano la shikula ko la ya, ndele. . . Ahawe.

71 Ohandi lipula Charles okwa li ekwatafano la shikula ko, omumwatate omunyasha. Okwa li a mona oshiponga shotuwa eshi a li okamatyona. Ye alushe oha koko okuulu kwaye kwokolulyo, eshi ta ende. Ashike, ou weteko, eshi handi mu mono, ita pweda vali okuulu oko. Aishe otai pu, ta fikama molupe lomulumenhu omunyashele.

72 Ndele ota ti kwaame, shimwe shatya ngaha, ngaashi te limemesha. Ota ti, “Eheno, Bill, ka ku na oiponga oku. Ndele ohandi dimbuluka oufiku manga inandi ya moshiponga shotuwa, owa popya naame, wa fikama momukala weumbo letu lishona lanafangwa,” handi tale koxulo yalo, paife ngaha. “Owa popya naame kombinga yOmwene, eetundi ashike dishona manga inandi ya. Ndele owa li koshiudifilo to udifa eshi nda ya.”

73 Hano ta pe uya tate. Akutu, ondi mu wete. Nonande apa nge oimwati ihapu, osho naana kwa li nda pumbwa, ashike ohandi ka mona eexwiki dakelela daxwiya ukila, diwa dulife eshi da li, pefimbo linya. Ndele ota tale nge, ndele ta ti, “Mumati wange, ou weteko, Tate ita dulu oku yambuka poshitaafula apa, vali, a fya ondjala, a efe ounona vaye va lye, osheshi oku otu na ihapu. Ka ku na nande omhumbwe oku.”

74 Oku mu mona eshi ta longo, ndele pomilongonhano ile oifilinga omilongoheyali nanhano mefiku, noku yambuka poshitaafula opo ounona va dule oku lya, noku shuna koilonga vali. Ndele okwa longa nouidiinini fiyo ohema yaye ya shinduka ketango kombuda yaye, meme tei tete nokakonde.

75 Ohandi mu udu ta tongo shimwe shatya ngaha, “Bill, oto dimbuluka oufiku oo ove naMumwatate George mwe uya mu ilikanene nge eshi kwa li handi i? Ou weteko, onda lombwela meme kutya ope na Ovaengeli vavali vatoka va fikama pombete, nomwengeli mutilyana komhadi. Ndele omwengeli mutilyana okwa li ta kendabala oku kwata nge, ashike omwengeli mutokele okwa fikama pokati. Lwaxuuninwa ova twala nge kEumbo.”

76 Hano, yo, a shikula mekwatakanifo oku ya, ile a ya, Howard ote uya po. Ohandi mono Howard; ngaashi hatu shingile kumwe moilongo, keshepamwe; a ifanwa a kale omuhongi; oukwatya munene, ashike ovaendafani vaye ove mu shuna konima. Epopyo laxuuninwa olo ndi na naye, okwa ti, “Eshi handi i, Bill. . . .”

77 Onde—onde mu mona ta i, pamoniko, hanga omido nhe manga ina ya. Onde mu lombwela kutya onda mona edidiliko lEmanya lokombila yaye nokutya oye a shikula ko.

78 Ndele okwa ti, “Ope na shimwe nda hala u ningile nge.” Okwa ti, “Onda dundakaneka onghalamwenyo yange. Onda hombola nakesheshimwe. Nghi—nghi shii eshi sha ningwa po.”

Onda ti, “Owe Mu itavela, Howard?”

79 Okwa ti, “Naashishe shi li mwaame, onde Mu itavela.” Hanga avali ile omafiku atatu manga ina ya, okwa ninga ombili yaye naKalunga, pamwe naMumwatate Neville navakwao. Ndele okwa ti, “Ope na shimwe nda hala u ninge. Eshi handi i, Bill, nava imbile nge, *Ye ota Udu ko, Ndele Ta ti, “Iya Oshapwa.”*”

80 Onda itavela, manga inandi minika eke laHoward, ohandi mu udu ta kanghama ndele ta tale nge, ndele ta ti, “Bill, Ye okwa uda ko.”

81 Konima yasho, otape uya Mumwatate Seward, Mumwatate Frank Broy, Mumwatate George DeArk. Akutu, enyumuko otali ti shihapu kwaame. Onda teelega otundi inene yoshishani. Ndele ngaashi Ouyelele tau hovele oku andjakana, “Ohatu shiiva ngaashi tu shiivike.” Ohatu udu ko, ndele—ndele ohatu dimbuluka eshiivo letu na—naava va li po.

82 Ndele—ndele vahapu, otaku kala vahapu ovo inatu teelega nokuli kutya oko tava kala. Osheshi, ou weteko, oshi li pefimbo opo, kutya onda itavela kutya “omungome ou twa yandja kovanhu, omeva a nyengaanyengifwa, otae tu alukile mEfiku olo.” Eshi hatu mono oilonga yehokololoumbangi letu, kovanhu ovo inatu uda ko omalihumbato avo kuYo, otashi dulika va kale ko. Otashi kala Efiku ngahelipi!

83 Opo nee, yo, eembuto odo twa kuna, inatu teelega sha nokuli osho di noku ninga, ashike odedi. Ova etelega oiimati iwa, ndele ohatu va mono mEfiku olo, ovaholike vekuni novakwapata.

84 Ndele ohandi lipula omayovi nda mona a lundululwa, eheno, meemiliona paife, okuya, naashi oshilonga shavo sha li. Akutu, otashi pula shidulife penyumuko. Otashi pula Oukwaalushe, oku enda, okuminika noku mona mo oinima oyo ndihe shii paife.

85 Otaku kala oomeme ovo vomitwe deenghwakutoka, ovo mwa djalela eengala odo ditoka nena, otamu va mono, notava kala vawa. Ina va kalelwa po kombiya yeengala, ile efano limwe lomunhu womukulupe weenghwakutoka; ashike omoshifeka nouwa wenyumuko, otava fikama molupe laKristus, omalutu avo okeulu, anyashuka nomawa fiyoalushe. Oshili, olo etulumuko. Olo Efiku lameme olo nda teelega. Osho oshishani. Kashi fi eengala da twilwa ko, ashike oshishani shomwenyo, osheshi Kalunga okwe mu lundulula!

86 Ohandi lipula meme wange mwene, a kulupa a ngona, ta kakama nehevato. Ite shi ningi Efiku olo. Otashi kala sha

yooloka hano. Ndele Ouyelele munene oo owa hovela oku lihana, eshi hatu hovele oku lengalenga, nongonga yakula tai ningi inene nainene nainene. Ashishe otashi ulike oku taalela Jesus. “Ndele konima yokafimbo,” ngaashi eimbilo tali ti, “ohandi ka mona Jesus nande ongaho.”

Ye ota kala a teelega nge, Jesus, omunanghenda noshili.

KOLukalwapangelo Laye liwa Ye ota tambula nge mEumbo

Konima yefiku eli la pita.

⁸⁷ Hano ngaashi tu Mu wete, noitatu kala ngaashi tu li paife. Ohatu—ohatu shiiva nhumbi hatu kala tu Mu hole unene. Itatu fikama vali noule; shaashi, ohatu kala twe Mu fa. Iya, Ye ota kala omukwapata wetu e dulife eshi Ye e li paife. Ohatu Mu udu nawa. Molwaashi, otu li kokule unene, momalutu aa omafi; hano ohatu kala nolutu ngaashi olutu Laye loshinge. Ohatu shiiva nhumbi hatu Mu linyongamene. Ndele eshi hatu mono Oukalipo wOunhu Waye eshi we tu ningila, we tu lundulula, koulupe twa shuna kounyasha, eshitululo alishe la yukililifwa, akutu, ohatu udu ko hano kutya ongahelipi eenghono Daye de tu velula.

⁸⁸ Omapulo oo a kala momadiladilo etu, “Ye ohe shi ningi ngahelipi? *Eshi* tashi kala ngahelipi?” Nande ongaho, shikumwifwi, aishe otai kana po. Edita olo la kala la mangelwa konima yomadiladilo etu, “Otashi kala ngaha? Otashi kala ngahelipi?” Nande ongaho, ile shikwao, ominwe deenghono otadi ditulula, tadi mangulula omadita oo, notashi mbonyokele moshishani shimwe shakula shohole.

⁸⁹ Opo nee ohatu Mu mono. Hano ohatu kala ngaashi Ye. Opo nee hatu Mu linyongamene. Hano ohatu ka mona meme ngaashi Kalunga e mu halela.

Meme ita kala e lixwa po Kwinya ku he na epata laye.

⁹⁰ Molwaashi, efimbo linenenene longhalamwenyo yaye aishe oku mona ounona ve li poshitaafula, naaveshe vakale noukolele va hafa; noku—noku—noku mu mona ta tilile okaofiwa, ile keshe tuu osho ta ningi, noku longekida ouvalelo, naye natate e li omutumba. Omolwashike, olo efimbo lehafo monghalamwenyo yameme, oku mona ovana vaye aveshe peumbo.

⁹¹ Paife, ino shekuna, ino shekuna Efiku olo. Elyenge linene lepata loye nali kwatakanifwe, ekwatafano nekwatafano. Keshe epopyo na li kale ketemba. Hano eshi hatu kala omutumba novakwapata vetu neengudu, okutaulula omawangadjo Oukwaalushe, otashi kala Efiku ngahelipi! Hano ohatu udu ko.

⁹² Osha li Oye ou e shi udaneka, mEhololo 1, apa Ya ti, kutya, “Eongamukonda leememo keembinga mbali ola dja mokanya Kaye.” “Okwa ifanwa Ondjovo yaKalunga.” Nosha dja komilungu tuu odo, odo da ti, “Aame Ou e nomwenyo, ou a li a fya; nOndi nomwenyo fiyoalushe.” Okudja komilungu tuu

odo, mOmyapuki Johannes 6, omilongonhatu- . . . tadi ti ngaha, kutya, “Itandi kanifa sha, ashike ohandi mu nyumuna mefiku laxuuninwa.” Oye Ou a ninga eudaneko; omilungu tuu odo diwa. Oye Umwe Ou e tu xupifa, Ou e tu velula, Ou e tu kulila, naOu te tu nyumuna mefiku laxuuninwa.

⁹³ Nge ove okalyenge kanghundi a ka ka topola oukumwe wepata eli linene Efiku olo, Kalunga komEulu, ongula ei, omukalo u li momukalo ukumwifa, oku ninga edita olo la mangelwa momadiladilo oye, noku ku hololela ohole oyo Ye e ku nine, noto yua nawa oku Mu longela.

Fimbo hatu lipula oinima ei, natu ilikaneni.

⁹⁴ Manga inatu ilikana, mu na omitwe deni da nyongamekwa, ohandi ke mu pula. Omwa hala, mEfiku laMeme eli, okuyandja eenghalamwenyo deni dipe kuYe, mwa tala komesho kenyumuko eli? Iho yelufa omake oye Kuye? Fimbo kesheumwe. . . Kalunga ne ku yambeke.

⁹⁵ Ope na omulunde ou e li po paife, ta ti, “Akutu Kalunga, inandi li kwatakanifa natango mekwatafano olo. Aame elyenge la kambela po eli itali ka kala ko kwinya eshi meme ta kongo mOukwaalushe. Itandi kala ko, osheshi inandi ninga natango ombili yange naKalunga. Nghi na elineekelo lOmwenyo Waalushe mwaame. Ashike nena onda—onda hala oku shi ninga”? Iho yelufa eke loye, to ti, “Ilikanene nge, Mumwatate Branham, pefimbo apa. Onda hala oku dimbulukiwa meilikano, osheshi ondi na ovaholike kombada yefuta, efuta lOmwenyo, nonda hala oku va shakeneka”? Yelufa omake oye.

⁹⁶ Ile umwe ou a shuna monima, nokwa hala oku aluka mefiku eli, noku tya, “Omwene, onde lishiivifa natango kuOve; handi ka tungulula ehanganano lange naOve,” iho yelufa omake oye?

⁹⁷ Tate wetu Omukwaulu, ngaashi tashi faneke, efiku eli otali ka ninga efiku limwe popepi noshivilo osho shinene. Ndele otwa fininikwa, omudo keshe, tu shi mone sha kalelwa po.

⁹⁸ Ngaashi ovanhu va kala hava i kuJerusalem mEfiku laPentekoste, nekosholo letwaliongalo netwali liyapuki, ne—neyambo lomatimba, omudo keshe otava dimbulukifwa, eshi odjona ya fila mo, kutya otape uya efimbo olo Odjona yaKalunga tai fi, okuhenga oulunde. Efimbo keshe mukwetu oo a fyohoni, nohonde ya shashaminwa komake avo, ova dimbulukifwa kutya otapa kala efimbo eshi ta pa kala Odjona yaKalunga, oyo tai kwena, “Eli, lama . . . ? Eli, lama . . . ?” komushiyakano.

Ohandi ilikana, Kalunga, kutya ngaashi hatu tale nena noku shi mona . . .

⁹⁹ Oivike ishona ya pita, manga inandi dja melongelokalunga Loye, okuya koCalifornia, eshi Indiana va nangala va fya, muhe na omwenyo, sha fa. Eengala odo da fya odula yadja ko.

Omafo okwa yaumuka ko komiti. Nomeva momiti a ya komidi, nakesheshimwe osha fya.

¹⁰⁰ Ashike opa li efimbo eshi etango la hovela oku minikila momukalo wa yooloka. Etango tuu olo la minikila mokufu, ashike oihovelifi oya lunduluka noya minikila ya yooloka. Ndele meminikilo letango, noihovelifi, omwenyo owa shenukila, keshepamwe. Omafo okwa alukila komiti. Efo. . . Omwenyo ou wa fiya po efo, nefo ola wa ko, ashike omwenyo owa ya medu; tali alukile mouwa mupe, mokuholoka kwounyasha. Eengala edi tadi yandje e—edimba, odo tadi yandje eenhe diwa nokuwila pedu; da dalwa, da topa natango mounyashele wado, nedimba lipe.

Ohatu dimbulukifwa shike, Omwene, potundi ei?


¹⁰¹ ndele ounyuni taudi mekemo, mombuya yahamunghele, oku ya moparadisa youwa, eenyiki noudila tava imbi, nakesheshimwe omutima wa minikilwa, nomiti tadi—tadi nyemauka momipepo doitemadula yandjena. Oundjene nehafo la li vali kedu, molwa etango, e-t-a-n-g-o.

¹⁰² Ashike fiku limwe O-m-o-n-a ote uya neveluko momavava Aye, neenghalemwenyo odo da holeka omeva momuti, medu, ngaashi o—omwenyo oo u li mombuto yongala, otau i eta moupe vali, itau dimi. Akutu, otwe shi Ku pandulila ngahelipi!

¹⁰³ Ndele opa li mahapu, omake mahapu oo a ya pombada ongula ei, osheshi ove shi shii kutya kondje yeuviko oko, ope na sha. Ova djuulukwa oku mona meme. ovadjuulukwa okumona ovaholike vavo novaikililwa vavo, noku mona oiholekwa aishe ei, nhumbi ve uya apa, efimbo alishe. Ashishe oshaholekwa konima yeuviko. Ndele fiku limwe Oto uya. Ndele ova yelufa omake avo; ova—ova—ova—ova hala oku shilipaleka, Omwene. Ove liongaleka vovene, naame yo. Paife tu kwafa, Omwene. Tungulula eitavelo letu neenghono detu.

¹⁰⁴ Ndele ngaashi tu udite oku taalela Omwene. Nomido omilongonhe daxuuninwa, okwe uya opentekoste ipe kedu. Omhepo oya hovela oku holola oinima. Naapa otu li kedidiliko laxuuninwa, manga ashike Euyo. Otu shi shii kutya oku taalela Omwene oku li popepi. Ndele otu wete ovanaudu ova veluka kouvela wavo, osho sha kala shikumwifi kounyuni, omido omayovi avala, okudja ovayapostoli. Ashike apa osha holoka natango, ovaxunganeki tava holoka, Ovaengeli tava holoka, oilongadidiliko noikumifi. Oshikwa shike? Enyumuko otali ehene popepi. O-m-o-n-a ote uya.

¹⁰⁵ Natu lilongekideni, Omwene. Natu papatele keshe eudaneko laAlushe; ino lipula omadita aa a ndubalekwa kounongononi, nosho tuu, kutya itashi ningwa. Nava hovele oku ditula, ongula ei, pauxulepo. . . [Okanhele kehe na sha mokateipa—Sd.] . . . eshi Ye ta denge mOndjovo yaKalunga yOmbibeli, onga oshilongifo sha patuluka nawa, okuimba ongovela, “Aame Ou nda li nda

fya, nondi nomwenyo fiyoalushe.” “Okafimbo kashona, ounyuni itau mono Nge vali; ndele nye otamu mono Nge.” “Osheshi Ohandi kala pamwe nanye, munye, fiyo okexulilo lounyuni.” “Ndele otapa ningwa momafiku axuuninwa, Kalunga ta ti, kutya Ohandi ka tilila Omhepo Yange kombada yombelela aishe; oilongadidiliko noikumifi; ovaxungu veni otava tu eendjodi, novanyasha otava ka mona omamoniko,” edidiliko lodula yokomusheko nefimbo lexulilo. Nashi udike mokati ketu, ongula ei, Omwene, neitavelo letu nali xupifwe. Otwe shi indila mEdina laJesus. Amen. 

59-0510M Efiku laMeme
Etwaliongalo Branham
Jeffersonville, Indiana U.S.A.

OSHIKWANYAMA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondwanga, okutulwa kowebite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org